

叢書集成續編 第二三八冊目錄

史地類



雲南地理及其地方史

滇繫四十卷(二).....	清師範輯	雲南	一
卷八之六.....	卷八之十六.....	四二三	
卷八之七.....	卷八之十七.....	四六六	
卷八之八.....	卷八之十八.....	五五四	
卷八之九.....	卷九之一.....	五五六	
卷八之十.....	卷九之二.....	五八七	
卷八之十一.....	卷十之一.....	六一四	
卷八之十二.....	卷十之二.....	六二五	
卷八之十三.....	卷十一之一.....	六四四	
卷八之十四.....	卷十一之二.....	六六四	
卷八之十五.....	卷十二之一.....	六九〇	
洱海叢談一卷.....	清釋同揆撰	昭代	七四九

演藝書目

趙州師 鮑勗犀第

藝文第六回

儲大文 翰林院編修江南宜興人康熙辛丑會元

兵部尚書范公神道碑

吳偉業 國子監祭酒江南太倉人明崇禎辛未探花

蒼雪法師塔銘

袁枚 庶吉士改知縣浙江錢塘人

高文良公神道碑 楊文定公神道碑 楊光祿墓誌銘

演藝八之六 藝文目錄

鄂文端公行略

寶光第 禮部尚書諸城人乾隆壬戌進士

宗丞羅公墓誌銘

姚鼐 刑部郎中桐城人乾隆癸未進士

知縣管石碑鹽場大使師君墓誌銘

江濟源

羅孝廉墓誌銘

傅恒 經略大學士忠勇公滿洲人

大樹園記

王和 刑部侍郎江南青浦人乾隆甲戌進士

草堂記 觀瀑樓記

吳楷 騰越州知州江南江陰人庚辰進士

南甸園記

層述齋 騰越州知州湖北孝感人後陞按察使

來鳳書院改建碑記

陳孝昇 永昌府知府浙江海鹽人後陞布政使司

募修雙虹橋疏

檀萃

演藝八之六 藝文目錄

蒙嶽記 三臺山記 鐫字崖記 縣女崖記

王誦芬 宜良縣知縣江南吳縣人乾隆己卯舉人

黑羊村築隄聚水記

李純 宜良縣知縣湖南醴陵人

移建學宮碑記 重修彩雲閣記

馮魁 永昌府推官浙江臨海人後陞刑部侍郎

永昌三忠臣傳

袁枚

勇略將軍趙公傳 高守村先生傳

檀萃

董懿傳 張仕敬傳 劉方伯傳

方苞 禮部侍郎江南桐城人康熙丙戌會魁

贈介菴上人序

屠紳 尋甸州知州江南江陰人乾隆癸未進士

送蔣曉村別駕還河南詩序

初彭齡 巡撫山東萊陽人乾隆庚子會魁

滇南詩略序

張允樾 祿豐縣知縣山西臨汾人乾隆甲辰進士

滇繫 八之六 藝文目錄

滇南文略序

法式善 侍講學士蒙古人乾隆庚子進士

錢侍御遺詩序

全祖望 浙江鄞縣人乾隆丙辰保舉鴻博先中進士授庶常

董永昌傳

余慶遠 湖北安陸縣人貢生

維西聞見紀序

滇繫

藝文繫

趙州師 範荔屏纂輯

儲大文 光祿大夫兵部尚書范公神道碑

國家恭膺乾命統御海寓武克文洽詰彥響臻時則有若太

傅秘書院大學士范文肅公叶契風雲經綸雷雨

太祖高皇帝肇遼陽三岔西平廣甯之烈實扈行營

太宗文皇帝廓藩家馬蘭三屯馬攔大安之圖實參幕幄爰迺

扼長山下雲從江華受琛兀蘇頒律以暨決策署檄時乘

大都收圖籍釐賦式實克光弼

滇繫 八之六 藝文

世祖章皇帝之丕基顯祚而為一代宗臣

今上運隆下武克翦三叛時則有若福建總督范忠貞公抵虜

刃羈隘室感慨殉義光日月而炳春秋世濟其美襲休衍

慶迺復紀於兵部尚書光祿公公諱承勳字蘇公系出宋

文正公而文肅公諱文程之叔子忠公諱承謨之弟也

高祖明兵部尚書總會祖潘陽衛指揮同知沈祖楠胥

贈如文肅公官母金氏

贈一品太夫人公少而修整謹嚴經世之畫康熙紀元

恩延世臣甲辰銓工部都水司員外郎改屯田旋遷刑部湖廣

司三品郎中改山東詳獄十載廷署稱平丁已改都察院
監察御史巡西城旋掌江南道協理河南道事嘗以山東
江淮饑潦疏請緩徵又請廉慈吏註誤革職偕降調官胥
題留會地震求言請寬風聞處分而聽京官三品以上條
陳又請時

賜京官對飭章疏蔓詞班行胥歎識要體當是時閩海底平忠
貞公以節殉滇黔亦寢平而川東譚宏復叛公伯兄都統
公嘗鎮襄樊以過金房庚申

詔絲虎牙鎮重慶公改吏部郎中護

滇繫 八之六 藝文

工

禁旅往會討而都統卒於師公泣治含斂以行旌

命駐彝陵轉餉八萬石帑銀二十四萬兩師獲濟而宏訖殲又
命監鎮安將軍噶爾漢軍絲永甯督滇餉公考次隋開皇闢石
門鎮唐天寶下兵南溪明絲蘭州入赤水畢節道胥輓四
十日糧諭諸土舍輸麥菽別檄截黔餉和買米粟儲邸閣
而滇圍始合訖克成功比還改文選司權崇文門稅九卿
合舉清勤

上雅知公才擢內閣學士坐漢班批紅本乙丑春以副都御史
巡撫廣西時刺軍興糧累萬部議九府折徵公酌駐兵遠

近貯糧多寡本折胥宜民便之又請獨容鬱藤賀十州縣

陷賊放失銀米獲元檄修興安秦靈渠石隄復唐斗門且
斬胥繼余襄公韓襄毅公之經畫而丙寅夏晉兵部左侍
郎總督雲貴首禁攤買軍餉予直俾自市飭釐價無敢騰
揭承買藩莊部價而明沐氏勲莊田之撥給而後籍有司
者始獲除莊租且省民溢價二十一萬兩有奇又以滇屯
賦十倍民田贍尺籍四萬餘人之什七科徵時用軍法戶
多棄業遁乃請裁大理等六衛楊林等五所歸州縣且除
九戶鈎賞之令凡民墾者無敢爭并力請蠲七年逋獲允

滇繫 八之六 藝文

王

民始蘇公勤綜軍實而馭矣尤善操縱魯魁山環新營蒙
元景楚奚時出掠號野客咸索軍民貨號保頭錢而楊宗
周普爲言李尚義方從化爲之渠率公騰檄諭之乃籍目
丁口隘以降蔑著弑主魯姐黨渠阿所隸蜀部戕姜州汛
弁而賂協將爲抵匿比事聞例勘復竄湯郎箐會里州間
公遣將渡直勒脅東川土舍縛之力持辟奚議而賄協亦
論如律後尚義復出掠檄鎮協絲密白箐入奪叢隘尚義
自剄爲善面縛而宗周實爲鄉導宗周魯魁奚所號勒昂
者也公又疏免解姚安高衙映臯籍婦伙北勝高贊熙俾

復業土舍胥悅附公事 無施恩洞中窺要而應變機尤敏
偽包起發數實二弁肆 賄嚇公請撤之而胥數千人免解
獲允頒餉例給銀時鑄錢至四十八治予銀七錢三公密
請停鼓鑄給全銀戊辰 夏楚兵譁伍多謂語乃亟合省僚
宴而陰偵之秋七月十六日夜援勦左協營噪尋旬飛檄
扼平彝交水走黔趨楚 道二十日夕會城復約三更訖掠
庫乃潛令監歷譙率擊 二更達曙掩訊首惡夜未既以次
就縛立辟十三人亦會 偽標無一人應者事旋定而尋旬
噪兵果直檄堵交水兵 而敗縛辟渠八人餘勒歸伍

滇繫 八之六

藝文

四

上表諭有加并允給銀奏公又請預協餉而滇黔無禁鳥鎗咨
功加弁無停用兩地胥帖公雅覈形勝游滇移右協羅平
以控黔之木窄關馬尾籠 粵之安隆峒而遞移廣羅協廣
西以扼特磨邑管之道 尚義平復移新習營新平縣而汎
諸箚隘及其疏巡金沙 也定堆場於江北之木營灣而請
蠲麗江失地賦俾守寶 山巨津通安蘭州籍地無敢却撤
雲龍州暨橋後沙溪瀾 沙浪汎以寶劍川之拖枝樹苗工
江三汎復北勝直隸布 政司以壯瀾滄衛而升永北協爲
鎮俾刺次和瓦魯之革 甸香羅流土互守營制大定宅若

護松花垣畫昆陽海口 工恢鎮遠偏橋達滇道築雲南東
北甕城又改昆明學祠 王忠文吳忠烈楊忠介蔡鎮志夫
且文武具舉備滿緬 馴獲獲而克綜大禮長和羅甸之所
啓關坦綽布變之所 督算犀革銅盾鐸鞘鬱刃之所淬練
朱波柏城產里木尾 鐵橋劍賧格孤魯昌之所環市都雲
銅人爐山落蒙之所 賈絡咸陽黔甯鎮遠之所彈壓劉宣
撫王靖遠李長垣朱 山陰之所制置而胥措注而幹運之
也洎癸酉

陸見復奏駁災減糧六事

滇繫 八之六

藝文

五

溫諭留閤比甲戌旋署 而拜都察院左都御史之
命矣蓋沍雲貴凡九年 秋復
命總督江南江西而公 再請
陸見奏吳賦重請如夏 稅秋糧例六月開徵又江西民輸漕兌
賦貼官運水次號脚耗 後附全書支給而漕臣題編正項
并追徵支給銀米累萬 宜蠲又宜復宣樓二船歲修例
上胥誦部議允之公嘗 憫接徵官輒挂初參例調斥請改降級
留任而以續元數爲差 請捐積穀糶三存七請蘇屬安屬
之五州縣胥析年徵通 又請南米竣秋徵而先撥又駐防

營糧并貯十萬石會城以慮儉歲有允泊丙子黃淮湖溢乃否發捐積米貯會城又假留漕鳳倉麥凡九十三萬石有奇以賑淮揚徐泗飢且請背蠲常賦獲允公以世肆經學文肅公嘗主順治丙戌丁亥已丑會試雅意人才而江南萬八千餘人試於鄉財中式六十三請廣解額獲允三之二公又新江甯學季課江南北江西士獎激尤慈公雅覈河渠始蒞任會勘震澤水道吳淞口石閘黃淮溢又勘黃運隄堰口聞議疏胥核要比去江南一年當治華家口運河祛怪物塞龍口隄王家渡距大堤千六百趕截溜堤

一又一年復蒞修高堰固周橋六堤以限汜光白馬諸湖疏引河於陶莊間立束水堤一以導黃環清口而東而江以南臺稚忭躍曰走候埽礎夫且久而見思埽填崇祀而實克綜徐豫南徐豫揚江之州部武甯淮南宜欽鎮海鎮南之節嘉應軍留州經制月椿版帳辨額之支移減放支運兌運改兌之規則准忠武河南武定程文運憲之行省乘傳周古水王餘姚夏相陰潘烏程之撫疲羸而并頒澤以胥踏之保釐蕃宣之烈也公蒞兩江五年以金太夫人憂去已卯冬晉兵部尚書是時昭木多鄂爾多斯

王師霆掃公筦本兵五年嚴斂塵僣間出勘連州徭號恕允坐曹肅然若無事而屯戍斥候士馬糧械不缺案瑣而自辨實克繼硖石貴鄉暨近世鈞陽華容蒲坂威望而以前後二十餘載之經畫邊腹也雖天子彌隆樞筦寄神用亦寢耗矣甲申亟以疾乞身獲蒙允公修文肅東臬別墅營生壙密雲縣之青甸築清溪莊五賜醫二月一日卒年七十四賜祭葬如筵典爰以乙未秋八月二十二日葬於青甸之墳禮

也公娶穆奇覺羅氏贈一品夫人繼沈氏封淑人繼趙氏封一品夫人胥有婦德子一時繹襲黃旗佐領公嘗兼轄而以致仕特賜襲今用才望顯女三孫五宏賓官廕生宏定宏宗宏寅宏富宏少侍文肅公終日立無敢敬手培金太夫人塋以前山類蛾眉號眉山宅日植松九別號九松事都統忠貞謹友愛弟精奇尼哈番公食場公兼山公尤篤撫猶子今人

司馬公賈銀公賈克成立為名臣雅嗜拯人之急嗜讀書
做鍾王米書九工方丈字文章雅馴經世務集如千卷又
奏議如千卷泣職自員外郎至尚書未嘗獲譴階自資德
大夫晉光祿又增級五

恩寵斐然御燕御賜不勝書督滇黔

陛見

上嘗書左氏傳世濟其美以賜癸巳

萬壽燕國老又手尊顧公

論諸王是父兄嘗有大勳乃賜飲

滇繫 八之六 藝文

八

雲章輝映天語遐宣一字加榮九原可作然則麗牲有碑樂石

有辭豈直高平盛華譜義莊而續廡祀哉蓋實詳肄文肅

忠貞暨公制震疆枋中樞異日史臣紀載之掌故以稱

聖天子篤念宗臣褒崇必舊之指而光昭

太祖

太宗

世祖之聖德神功於億萬禩也先君子入翰林實忠貞公教習

士而某編齊氓景崇烈爰諸佐領君之請次公行事如右

而系之以銘曰

嗚呼是為

與朝功宗臣范文肅公詰嗣兵部尚書光祿公之肝蒸先憂後
樂實祖文正恕人責已實宗忠宣滇黔紀多勒於彝鼎雨
江敷頌被諸筦弦北斗喉舌之任西省樞機之權今佳城
兮永閉維崇閣兮載綿後有考者且胥瞻鳳山之嵯峨聽
清溪之潺湲而慨然太息於世臣之流光錫美以徵丹篆
而耀細編

按范公政蹟已詳載碑中竊念滇自平偽剗逆以來除

洪公承疇趙公良棟以武功特顯外如蔡公毓榮王公

滇繫 八之六 藝文

九

繼文石公琳石公文晟將公陳錫高公其倬楊公名時

鄂公爾泰尹公無不實心任事而其經營安輯之

勞滇之人皆尸而祝之范公亦其一也繼此者視已成

事即可告無罪矣近則諸公穆親李公湖譚公尚忠費

公純書公麟孫公士毅咸以清節著稱而初公彭齡甫

履任舉壓鹽派夫之弊一掃而空之較前諸公勢為尤

難心為最苦茲因錄范公碑並論之滇人士尚無河漢

予言哉丁卯八月記于抱甕軒燈下

吳偉業中峯蒼雪法師塔銘

清涼一宗自長水膏源不絕如綫勝國時滇南蒼山再光
瑞師表明華嚴元談輯會元記開鍵啓鎗蔚爲教宗萬歷
中蒼雪法師自滇適吳得法巢雨爲雪浪之元孫一燈再
焰人謂滇南萬里邈若天外兩師代興交光繼照豈非華
嚴法界中分身接踵乘願輪而至者師自號蒼雪又自號
南來非偶然也師滇省呈貢趙氏子父碧潭爲都講僧母
楊氏師幼從雞足山水月道人爲沙彌管書記年十九慨
然遠遊孤筇萬里叩印楞嚴于天衣受十戒于雲棲受滿
分戒于古心律師聞雪浪晚棲望亭往參焉浪歿巢松浸

滇繫

八之六

藝文

十

開講甘露寺師年廿餘古貌稜然微衣下坐除夕奮筆呈
詩大衆驚異依一雨潤于鐵山與汰如河師並爲入室弟
子雪浪之後巢講雨華各擅其長二師殆兼有之諸方所
謂東雨蒼汰者也師謂華嚴一經經王法海非精研疏鈔
不能涉其津涯窮其奧窔遂與河師住華山師住中峯一
歲兩期踐更周遭東南法席于斯爲盛河師首唱一期順
世而去師遂獨力荷擔講第二期于華山講問明品于中
峯講第四期于慧慶講第五期于昭慶講第六期于錫山
甲午歲至吳地病篤輟座人或勸其且止師曰我去汰兄

炷香發願人天鑒知敢背捨乎師于賢首清涼諸書講演
淹通純熟大乘經論如肉貫串處處同其義味自大鈔外
講楞伽一講楞嚴惟識二講法華及中百門三論一十燈
一鏡交互映徹他宗別子函矢紛如靡不推爲魯靈光也
丙申夏應見月律師請講楞嚴于寶華山老病人扶氣息
支綴登座開題圓音落落至第二卷末命弟子代講無何
遂不起人謂有護法神冥加實願力所持也病劇作解嘲
詩十首有曰如是我聞應未及奉行信受已先膺又曰剝
竿倒却門前八大廈將傾賴木叉又作辭世頌曰我不修

滇繫

八之六

藝文

十一

福不生天上亦不作鮮不墮地下還來人間生死不怕有
一寶珠欲求善價別開鋪面娑婆世界師之戒地堅脚跟
實臨行正定如旅還家視世之過頭香舌問影纖空者豈
可同日道哉師面目刻削神觀凝眸所至賢士大夫希風
禮足博涉內外典賦詩多新警句住中峯建殿買田伽藍
一新在他人以爲能事師未嘗有所作也示化寶山寶丙
申閏五月廿二日世壽七十見律師護龕歸葬塔在中峯
寺後二百步嗣法弟子七人開照書佩等爲上首而佩具
狀謁銘余老歸空門與師結契尤篤每執手語余魔外昌

披法眼漸滅黯然欲泣者久之嘗告其徒風雪當門孤立
不懼者婁江一人而已然則師之銘非予其誰宜為銘曰
師之南來啓明東廟烟水無涯點蒼積雪照耀東南如湧
日車彈指說法華嚴樓閣重重開遮悲愍末法淚如春雨
我何求耶雞足之山有大比丘守佛袈裟我勒斯銘印正
法藏缺彼龍華

袁枚戶部尚書兩江總督高文良公神道碑

公諱其倬字章之先世自高密遷鐵嶺父澹菴累官口北
道生五子公其仲也十八歲舉于鄉十九歲登進士入詞

滇繫 八之六 藝文

主

林

聖祖奇公狀貌試以外事會四川有獄未決

命公往訊歸

上問打箭爐形勢公口陳手畫審詳不煩

上器之命典試蜀中督學山西累遷內閣學士巡撫粵西鄧橫

苗叛公單騎入寨曉以威德萬眾投刀乞降

世宗登極遷雲貴總督公奏西藏川兵中甸乃進藏咽喉請調

鶴麗劍川兵鎮撫之開墾陸涼州屯穀儲峙改哀牢山土

司為流與苗大小戰三十有二所平魯魁茅洞諸寨所擒

呼呼腦兒刀光換等以功襲拜他拉布哈番福建饑民變
調公督浙閩公道浙即奏姦民不可不誅饑民不可不養
請撥溫台倉穀七萬石運閩寬臺灣米禁濟漳泉二府

上從之閩人大和閩自朱一貴反後番不納餉小不順輒攻劫

焚殺公立民夷界址碑移興泉道駐廈門設哨船巡之苗

夷警服生番阿密氏反公遣臺灣道吳昌祚參將何勉從

竹脚寮南投時兩路進兵禽之

上聞喜曰卿在閩朕無南顧憂矣會福建巡撫某不識字見人

倨忌者欲傾之密奏福建倉穀全虧而公又與所親山東

滇繫 八之六 藝文

主

按察使白映棠私言江浙清查無益恐累民白奏之

上以公袒同官沽名罔上不道遂內大臣史貽直等馳驛糾簡

聞穀而調公督兩江會雲南普思苗叛貴州廣西猺獞應

之乃

命公總督三省公到滇即率提督蔡成貴等討平之仍回兩江

權巡撫事

今上登極公首劾淮關權使年希堯人以爲仁者之勇尋遷戶

部尚書入都過寶應亮諡文良年六十三公揚休玉色進

止疑重目瞻焉不能遠視然長寸餘無事輒睽開則精光

射人性端靜包涵蘊含一本於自然人相對如臨山海光明之中廣大無所極每奏事

天語褒寵或忤

旨且夕禍不測而公施施如平時雖家終賓僚欲窺公顏卜主眷盛衰不可得也

世宗深知公性寬不能掖之使奮代人匿瑕藏疾至累及終不

悔然於

國憲民瘼大綱必舉且望重治行終長者故雖詔書迫責而封疆重任十三年如一日西師大事必密與謀阿喇滿坦

八之六

藝文

古

降

上問公公奏宜減兵不宜撤兵宜加成糧以彈壓兀魯特喀爾

喀爾部落降人和羅爾邁逃

上又問公公奏有之不爲多無之不爲少宜撫其不逃者愧其

逃者

上嘉納之孫文定公嘉淦少時殺人報仇公督學時爲脫其罪

故終身執弟子禮惟敬李敏達公銜爲滇南布政使與安

南爭鉛廠河

上切責公引咎絕不言李李慙感折骨後李眷日隆

上疑公叢脞問李李奏高其倬勤過臣太慎故少遲緩耳又短

視終日胸摩文案生肉胼起可驗也逾年公入覲奏事畢

上命褫公衣公驚以爲將刑侍衛摩公胸奏曰李衛不欺

上大笑補熙提督松江

上猶慮公在江久不無裨政

命補察劾

旨甚嚴補唯唯到江南知人人稱公賢乃以實奏

上喜曰熙不迎合朕樸誠可嘉卽遷總漕嗚呼公與補俱不可

及而

八之六

藝文

圭

世宗之神聖誠何如也公於學靡不窺天文地理皆洞悉而詩

尤工所著奏疏十卷堪輿家言四卷味和堂詩集八卷行

世繼配蔡夫人亦能詩公以定萬年吉地功賜男爵葬大

興縣秀才營之原

銘曰泰山之雲崇朝而旦何卽之不高而探之莫竟扶桑

之枝浴日而行何風吹似柔而雷焚不驚惟公秉夷始之

性行恢台之政并端右之才慰閭左之懷始任戴冠來扶

王風赤霄昌頂素手捫空導帝九阡岡弗棣通悅近來遠

有睟其容歸邪星出白澤神通蛇矛丈八鼙鼓一中使獐

村狗國區人鼈封靡不書雲奉歷橫草成功微衣旁旅其聲喁喁

帝曰汝太將軍而弗操刺宜淬其鋒以持劍臘公拜稽首黎收而答臣持者心臣亭者法七年教民三日先甲百辟欽之高山仰兮九乾竺之終德賞兮冢象祈連高一丈兮所謂大臣盡置以爲像兮

袁枚禮部尚書太子太傅楊公神道碑

乾隆元年九月禮部尚書楊公薨於位

天子震悼加贈太子太傅崇祀賢良公諱名時字賓賓一字凝

海繫 八之六 藝文

七

齋其先出關西明初以軍功襲鳳陽勳衛家懷遠徙江陰世無顯者及公貴三代俱贈如公官公湛深聖學自布衣至爲尚書言動措施敷奏一不外于孔孟以事被譴人懼且不測而公善殘火治詩禮如平時

聖祖時宰相李文貞公嘗薦公爲第一流康熙庚午舉人辛未進士入翰林督學直隸典試陝西歸授直隸巡道當是時直隸無兩司官巡道司刑名所屬見憚迎奉者相夸以多金幣出巡則餽夫錢驛費者重足錯轂而至公壹切禁絕牢籍胥吏僅通食飲姦不得發每歲決多所平反居月餘

天下稱其廉

上聞喜曰楊名時不特官清且好也遷貴州布政使尋巡撫雲南時征西藏滿洲兵集省城公慮擾民爲箭茅葺屋撤牙門西廊使居而中隔以垣遣官巡之序其馬夏不宛賜順時麗土教民農桑蠶畜饑寒者收穀之所劾官雖有罪必助其歸較巡道時尤多仁惠曰昔專乎巡今兼乎撫故也在滇二年而

聖祖崩

世宗憲皇帝卽位雍正三年遷雲貴總督五年題辭鹽課獲謹

海繫 八之六 藝文

七

六年受代公既以道自任不與時合或以厄事中公新撫朱綱來鞠不得毫毛罪坐他事修城雍正十三年冬

今天子受

世宗遺詔卽位召用向所廢置故老大臣公首被召天下想望丰采滇黔人狂走權告老幼相率觀公或張酒宴羅拜繼以泣至環馬首不得前既入覲

天子石對良久命以課皇子造人才秩典禮數大事既出尋賜馬賜第時公年七十六矣以禮部尚書兼管國子監祭酒事初康熙時江南翰林井二甲前勿與公獨以三甲得故

事直隸學政非官坊不與公獨以檢討往至是

天子命公教習庶吉士時未館選而

詔先下公受恩三朝異數皆此類也公既用益陳利害諸朝臣

言可採者爲代奏聞所定滇省事有弊卽請報罷時

天子銳意太平於藩邸時深知公公亦感

上責望重欲盡所學以報諸仁政將次施行而公遽病闕庶常

卷勞患手足痛

上醫問不絕公具冠帶草遺表薨壽七十七娶劉夫人無子以

弟子應詢爲子葬某原

八之六

藝文

太

銘曰何聖非儒何事非書學之不至或拘或迂道果能宏

沛然有餘穆穆楊公其學粹如禮士敬客仁人實際大賁

無色大美無味薰薰熙熙口唯元氣用之則行投之無戾

天子曰咨汝弼三朝如彼卿雲久爛丹霄惟汝余輔以帥百僚

伯夷彤伯班序賴毛公拜於殿民賀於郊惜哉冬日雖和

晷短逝矣春風雖歸澤遠蒼蒼九乾茫茫五施兩楹雨無

魂無不之古書黑石岡或磨治路過者勿馳大賢在茲

袁枚光祿寺少卿楊公墓誌銘

公諱融楊姓字靜山奉天正黃旗人生有至性侍繼祖母

疾衣不解帶至蝨緣領遊益敬十九歲知陝西兩當縣丁

父憂再補直隸固安故事修永定河秋汎畢工興永定道

黃某役不平賈遲延及冬朝涉者輟塚公憐之許日出後

下饒黃巡工遲民之來將笞督公力爭不得乃直前牽其

馬至凍溜處曰公能往民亦能往此時日高春陽光熏人

公重裘尚縮瑟乃責袒肩者戴星來耶黃大恚適館張牒

將幼公會撫軍安溪李文貞公過柳家口聞之召謂曰汝

年少能然古之任延也勢以酒解裘衣之事得釋調宛平

固安民以爲大戚聞宛平吏來迎驚聚而逐之

八之六

藝文

九

聖祖獵水圍過固安老幼爭留公

上曰別與汝固安一好官何如一女子奏曰何不別以好官與

宛平耶

上大笑以爲誠許食知州俸知固安縣事旋權鄒平壽光諸城

數縣有夏姓民競產享銀五千公却之諭卽以此金遺若

弟夏昆季泣于庭睦如初遷雲南曲靖府調麗江麗江故

夷地中甸外控鶴劍內鄰妖徒羯獠寥狼屯雜一旦隸爲

編氓如開洪濛守土者際斷不肯往公到爬梳捐瘠俯順

荒濫令曰樹一本榆畝畜一溝水召土官爲典吏諸里魁

以頭目充除奴籍建文廟定婚葬禮頒尺籍伍符期年俗
化風雨和甘俟錢寶布大行民祀公于廟號第一太守祠
先是民間有遇木則易禾必見日之謠土官土人皆禾木
兩姓而公名姓恰合亦異數也遷湖南糧道西安布政使
署湖北巡撫沔陽地濱湖淤沉無常田與糧離稅法抗敵
公手弓尺丈之按畝輸賦數無訛調撫四川奏減火耗改
馬廠爲普濟堂墾田千四百畝登租貯穀養鰥寡老癯乾
隆二年請撤河西七兒堡城垣忤

旨罷官七年起用甘肅涼莊道尋遷光祿寺少卿以老休于家

八之六 藝文

公豐碩善騎射用弓至十石

聖祖時東宮侍衛德齡以廢太子故逃侍其勇泛海至青州官
拘者擁役數十持械無敢前公往剡剡起屢忽抱其背磨
之德抽刀公叱之刀落于手

聖祖以爲日磳縛莽何羅不是過也涿州夜下鄉遇響馬盜方
洶洶切人公射之殺二人獲一人督糧湖南奉牒禽李鐵
背刺魚大王公偵知竄入旗丁故閭岳州帮禽之案下至
老神明不衰長孫魁官江甯公來就養騎上下山如飛年
已八十四矣甲申十二月某日跌坐而逝公先娶李氏再

娶黃氏俱

諡封夫人子國棟官廣東韶州知府

銘曰仁之徵壽也福之集厚也清畏人知指屋漏也勇而
好禮伏不關也雲之油油楚蜀覆也大臺南游神疆茂也
望夏琬殷黃而增周邦之舊也厥聲隆隆孫將父也天其
以是鍾美于後也

袁枚武英殿大學士太傅鄂文端公行略

昔蘇軾不及見范文正公爲終身憾枚猶得見鄂文端公
公方頤廣頰鬚髯若神色溫而語莊面兼春秋二氣自命

八之六 藝文

過高常卑視古人氣出其上然于近今人才一善一技不
肯忘以爲坐政事堂批勅尾非宰相事也宰相事在進賢
退不肖而已賢不肖不可卒知則姑就其文章之表著者
考之故每一鄉會試必採訪如飢渴胸中有某某皆非素
相知及溫卷者已未禮聞撤公立宮門向閣學蔣公曰爾
泰今年愧死閣後閱人文所卜悉不離惟袁枚一人驗耳
聞出君門下非君誰光我顏者蔣故公年家子聞甚喜而
此科大總裁趙相國等相顧愕然枚聞雖感公竟不知公
從何處見枚文也以公位尊亦不敢一謁謝王戊試翰林

翻譯校最下等公所定也啓糊名大恨召枚往賜飯與深語且曰觀汝狀貌

天子必用汝汝爲外吏必職辦或憂汝能文不任吏事非知汝者嗚呼公之知枚如是枚既早退不獲有所建白以彰公知人之明意欲報公以文章而公之行事又無從搜輯履呼負負今年秋公長子容安來督兩江將趨庭時所腹存手集者命枚具筆牘受辭乃得粗舉梗概以備國史之遺謹按公諱爾泰字毅菴滿洲鑲藍旗人西林者其舊居部落也高祖屯太宰汪領七村人投

旗繫 八之六 藝文

圭

太祖高皇帝曾祖圖們襲佐領從征張理陣亡父拜官國子監祭酒公以舉人侍衛從

聖祖獵和詩稱

旨授內務府郎中郡王某至暴抗也屬公事不應召公將杖之公袖匕首見曰士可殺義不辱王敬其強直謝之雍正元年典雲南鄉試還授江蘇布政使康熙末年縉紳橫甚抗稅旅距小民公用能吏趙向奎等一大創之設春風亭招致文士大將軍年羹堯勢方張遣奴至蘇撫軍參中門迎奴奴來見公公高坐召入問爾主安否奴見公甚莊嚴不

得已屈膝出年亦無如何巡撫雲南先是雲南貴州廣西三省苗屢撫屢反公奏欲百年無事非改土歸流不可欲改土爲流非大用兵不可宜悉令獻土納貢違者剿疏上盈廷失色

世宗大悅曰卿朕奇臣也此天以卿賜朕也命公進呈生年月與怡賢親王赴養心殿手鑄三省總督印付公公知人善任賞罰明肅一時麾下文武張廣泗張允隨元展成哈元生韓勳董芳等各以平苗立功致身通顯然土官自漢唐世襲二千餘年雄富敵國一旦入版圖受官吏約束心

旗繫 八之六 藝文

圭

終不甘諸漢姦又陰嗾之改歸後反者歲數起蜀之烏蒙窩泥遠之茶山黔之長寨粵之泗城西隆州相繼騷而鎮苗縛知府劉宏度于柱裸淫其女而頭曳之然後剖心祭旗公慙怒次骨奏請解任討賊贖罪

世宗以爲多一次變動加一次平定
優詔不許公感

上恩蓋奮督軍慶戰所獲苗皆刎腸截脰分挂崖樹幾滿見者胆裂繳上苗寨弓刀鎗砲軍器無萬數丙午用兵至庚戌功成乃造橋雲貴交界處號庚戌橋開通黔滇路入百餘

華無益果親王從西藏歸與公言同

世宗竟罷兵與天下休息公受

世宗非常之知入朝盡三鼓方出語秘外莫能知每具一疏雖

請安慶賀極尋常劄子

上必嘉獎忠誠頒示天下常云朕有時自信不如信鄂爾泰之

專事無大小必命鄂爾泰平章以聞以故公所到處巡撫

以下出境千里拜謁虔若天人從雲貴入相入總兵跪送

泣日公行矣某等無以報願昇公須臾望見顏色公未及

答八人者素勇捷直前撥去輿夫蟒服珊瑚冠肩公而行

數里外一總兵忽亡去七人無耦不得已皆散行百里外
見草中孔雀翎彪彪然膝行奔前抱公靴大慟聲盡略血
則前亡去總兵昭通鎮某也公亦潸然淚承睫下入

朝首薦之遷松江提督公以身殉國知無不為一切嫌疑形

迹無所避門庭洞開賓客車馬麻集漏盡乃已督三省時

疏一切水道滇之昆明海口黔之磁硐八達粵之楊林諸

河俱宣流實行商貨廣至貴州布政使申大成請軍田加

稅將軍鄂彌達請文欺隱田部議允行公惡其言利皆奏

阻之尤護持善類前滇督高其倬楊名時俱獲罪楊待鞫

而高修城公每見此二人談移日從者放儀仗鼾睡或四
散新撫朱綱欲入楊罪呼三木以待軍民洶洶欲為變公

力護持乃免楊夜夢羣蜂攢嚙一神人以袖揮之散及見

公如夢中貌貴州巡撫何世璠以名儒為糧道李日更所

劾公昭雪之經略歸

世宗命戶部尚書海望為治第凡什物禁盤匿械衛之屬必

具已報齊矣命昇堂上几視之以為虛敗大怒召海切責

海叩頭請易乃已及公入朝奏事畢日卿勿還舊居可赴

新居手書公忠弼亮四字賜之使衛士人捧而送公公入

宸翰亦入園府中無園圖

命以藩邸小紅橋園賜公而中分其半爲軍機房公弟爾奇提

督九門兼兵部尚書公力爭不可能受直言雲南司道賀

慶雲見太和令劉某獨曰某眼眯實不見慶雲公嘿然心

嘉其直薦之枚初見公便問張奐稱羌夷一氣所生公報

虐以威處劉太重公笑曰五十年後自有定論也

世宗晚年召公宿禁中逾月不出人皆不測

上意公亦自危八月二十三日夜

世宗升遐受顧命者惟公一人公慟哭捧

瀕繫 八之六 藝文

素

遺詔從圓明園入禁城深夜無馬騎煤騾而奔擁

今上登極宿禁中七晝夜始出人驚公左袴紅濕就視之體血

涔涔下方知倉卒時爲驟傷紅潰未已公竟不知也乾隆

元年每行一政下一詔滬內喁喁拜泣歌舞以爲堯舜復

出有歸美于公者公悚然曰天生聖人社稷之福也老臣

何力之有焉年六十九薨

天子親奠配享

太廟諡文端有奏疏詩集各若干卷

寶光肅宗人府府丞苞儀維公墓誌銘

宗人府府丞羅公諱鳳彩字苞儀號竹園其先江西廬陵

人明嘉靖中徙雲南之石屏曾祖萬藻歲貢生祖人文父

繡錦皆以公貴贈朝議大夫祖母任氏母鄭氏皆贈恭人

公生九歲而失贈君家又貧太夫人紉績以訓及長能自

力於學雍正元年成進士由景山教習授刑部廣西司主

事遷四川司員外郎擢廣東道監察御史仍兼刑部行走

巡視中城轉戶科掌印給事中提督山東學政巡視通州

淮安漕務丁母夫人憂乾隆二年服除補刑科掌印給事

中巡視天津漕務遷太常寺少卿通政司副使尋擢宗人

瀕繫 八之六 藝文

弟

府府丞以假歸後遇

覃恩誥授通議大夫舉鄉飲大賓乾隆三十七年春二月初六

日以疾卒年七十有八以本年十二月二十二日葬南麓

幽原公篤行孝謹與人和易而有常守初任刑曹有疑獄

悞失入將具題公爭之司寇卒得直及爲御史稽查八旗

虧空

特旨議敘加一級再巡中城皆有聲雍正八年

命往宣化等處查災賑全活甚衆其視學山東也識拔多知名

士請均廩貢之例令候廩得以次序貢其巡漕天津時直